

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 11 JUN 2014, PUKUL 10.00 PAGI

Bil. 23

PERTANYAAN-PERTANYAAN BAGI JAWAB LISAN

1. PR-1322-L61826
Dr. Mansor bin Abd Rahman [Sik] minta **MENTERI BELIA DAN SUKAN** menyatakan apakah bentuk atau tindakan yang diambil oleh pihak Kementerian dalam membendung aktiviti dan gejala yang kurang sihat (contoh penganjuran konsert antarabangsa yang tak terkawal) yang boleh mendorong belia melakukan aktiviti sedemikian.
2. PR-1322-L63000
Tuan Hee Loy Sian [Petaling Jaya Selatan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jenis bantuan yang diberikan dalam menangani masalah penyelenggaraan dan kerosakan lif di rumah pangsa kos rendah.
3. PR-1322-L63116
Dato' Ahmad Fauzi bin Zahari [Setiawangsa] minta **MENTERI PERTAHANAN** menyatakan adakah terdapat sebarang perancangan khusus oleh pihak Kementerian bersama Kerajaan Filipina bagi membantu membanteras pengganas dari Perairan Filipina yang telah lolos ke Perairan Sabah. Ini berikutan daripada beberapa insiden yang berlaku sejak kebelakangan ini yang melibatkan kes ancaman keselamatan di Perairan Sabah yang didalangi pengganas dan militan dari Filipina. Selain inisiatif Kerajaan melalui ESSCOM dan ESSZONE adakah Kerajaan ada membuat perbincangan bersama Kerajaan Filipina sendiri bagi menangani masalah ini.
4. PR-1322-L61530
Dr. Che Rosli bin Che Mat [Hulu Langat] minta **PERDANA MENTERI** menyatakan jumlah pegawai Kerajaan yang sepatutnya sudah pencen tetapi masih memegang jawatan mereka sama ada dalam pentadbiran awam dan institusi pendidikan.

5. PR-1322-L61310
Dato' Wira Othman bin Abdul [Pendang] minta **MENTERI PERUSAHAAN PERLADANGAN DAN KOMODITI** menyatakan :-
 - (a) bilakah tarikh Kerajaan akan menetapkan harga lantai getah; dan
 - (b) apakah langkah-langkah segera Kementerian untuk membantu penoreh getah yang telah mengalami kemerosotan pendapatan kerana kejatuhan harga getah di bawah RM2 satu kilogram.
6. PR-1322-L61467
Tuan William Leong Jee Keen [Selayang] minta **MENTERI PERDAGANGAN ANTARABANGSA DAN INDUSTRI** menyatakan status rundingan TPPA khususnya pendirian Malaysia ke atas peruntukan pertikaian pelabur-negeri.
7. PR-1322-L61975
Puan Hajah Normala binti Abdul Samad [Pasir Gudang] minta **MENTERI KERJA RAYA** menyatakan status projek menaik taraf Lebuhraya Pasir Gudang yang telah memakan masa yang cukup lama dan bila tarikh jangkaan siap sepenuhnya projek berkenaan.
8. PR-1322-L61472
Laksamana Pertama Mohamad Imran bin Abd Hamid (B) [Lumut] minta **MENTERI PENDIDIKAN** menyatakan mengapa banyak Komputer Riba 1Malaysia yang diedarkan ke sekolah-sekolah daerah Manjung didapati sangat rendah kualitinya dan kerap rosak serta tidak boleh dibaiki. Mohon Menteri memaklumkan kepada Dewan nama syarikat pembekal pada hematnya telah dianggap menipu wang rakyat.
9. PR-1322-L61771
Dato' Wira Mohd Johari bin Baharom [Kubang Pasu] minta **PERDANA MENTERI** menyatakan apakah tindakan yang telah diambil kepada Ketua-ketua Jabatan yang tidak melaksanakan tugas masing-masing terutamanya yang berkaitan dengan pengurusan kewangan seperti yang dilaporkan oleh Ketua Audit Negara setiap tahun dan jika ada, sebutkan berapa ramai mereka yang ditegur, diambil tindakan tatatertib atau dipecat sejak 2010 hingga 2013.
10. PR-1322-L62630
Tuan Manivanan a/l Gowindasamy [Kapar] minta **MENTERI DALAM NEGERI** menyatakan jumlah anggota Polis DiRaja Malaysia (PDRM) di Parlimen Kapar mengikut pecahan umur, jantina, kaum dan jabatan meliputi IPPD, Balai Polis dan Pondok Polis. Apakah perancangan (jangka masa pendek dan jangka masa panjang) Kementerian untuk memperbaiki dan menambahbaik perkhidmatan PDRM di Parlimen Kapar.

11. PR-1322-L61426
Datuk Haji Datu Nasrun bin Datu Mansur [Silam] minta **MENTERI KESIHATAN** menyatakan apakah langkah yang telah diambil oleh pihak Kementerian dalam mengawal Sindrom Pernafasan Asia Barat iaitu Virus Corona terutama kepada mereka yang merancang untuk pergi mengerjakan Umrah dan menunaikan Ibadah Haji. Berapakah jumlah rakyat Malaysia yang dikesan menghidap atau terjangkit dengan Virus Corona ini.
12. PR-1322-L61991
Tuan Su Keong Siong [Ipoh Timor] minta **MENTERI KERJA RAYA** menyatakan jumlah kemalangan jalan raya yang berlaku di antara KM 310 ke KM 300 (arah Utara) Lebuhraya Utara-Selatan - kawasan Gua Tempurung dari tahun 2000 ke 2014. Nyatakan langkah-langkah keselamatan dan/atau pencegahan yang telah diambil untuk mengurangkan kemalangan berlaku di kawasan tersebut.
13. PR-1322-L63193
Tuan Haji Ahmad Nazlan bin Idris [Jerantut] minta **MENTERI KEMAJUAN LUAR BANDAR DAN WILAYAH** menyatakan apakah langkah-langkah yang diambil oleh Kerajaan dalam meningkatkan pendapatan peserta FELCRA yang terlalu rendah seperti peserta gugusan FELCRA di Tembeling Tengah dan Perlok, Ulu Cheka, Jerantut.
14. PR-1322-L62298
Tuan Mohd Rafizi bin Ramli [Pandan] minta **MENTERI PENDIDIKAN** menyatakan menyenaraikan perbandingan sewa kampus tahunan (bagi tahun 2014 dan unjuran 2015, 2016, 2017 dan 2018) yang ditanggung oleh seorang pelajar UiTM di kampus yang dikendalikan sendiri oleh UiTM, berbanding dengan sewa kampus tahunan (bagi tahun 2014 dan unjuran 2015, 2016, 2017 dan 2018) di kampus-kampus yang dikendalikan di bawah konsesi iaitu UiTM Kota Samarahan, UiTM Pasir Gudang, UiTM Seremban 3, UiTM Puncak Alam, UiTM Jasin dan UiTM Tapah.
15. PR-1322-L62352
Tuan Haji Ahmad Lai bin Bujang [Sibuti] minta **MENTERI TENAGA, TEKNOLOGI HIJAU DAN AIR** menyatakan adakah pihak Kementerian melakukan kajian terperinci berkenaan penggunaan tenaga elektrik dan air di seluruh negara bagi tempoh 10-20 tahun akan datang dan adakah sumber tenaga elektrik dan air di Malaysia mencukupi bagi tempoh masa panjang supaya tarif air dan elektrik dapat dikekalkan pada kadar yang rendah.
16. PR-1322-L62981
Tuan V. Sivakumar [Batu Gajah] minta **MENTERI PERTANIAN DAN INDUSTRI ASAS TANI** menyatakan jumlah pasar nelayan di Semenanjung Malaysia yang sedia ada dan yang akan diwujudkan. Sejauh manakah pasar nelayan ini berjaya menghapuskan penglibatan orang tengah dalam kegiatan jual beli ikan.

17. PR-1322-L61540
Datuk Raime bin Unggi [Tenom] minta **MENTERI DALAM NEGERI** menyatakan langkah-langkah bagi meningkatkan tahap dan mutu perkhidmatan Jabatan Imigresen di seluruh negara.
18. PR-1322-L62680
Tuan Chua Tian Chang @ Tian Chua [Batu] minta **MENTERI DALAM NEGERI** menyatakan apakah langkah-langkah yang diambil oleh Kerajaan untuk membanteras aktiviti judi *cybercafe* di Kuala Lumpur dan khususnya di Parlimen Batu. Adakah pihak Kerajaan pernah menjalankan operasi membanteras aktiviti judi di Parlimen Batu.
19. PR-1322-L62195
Dato' Haji Abdul Rahman bin Haji Mohamad [Lipis] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan bentuk insentif yang akan diberikan oleh Kerajaan terhadap peniaga atau kedai yang menawarkan harga barangan berpatutan sebagai Kedai Harga Patut.
20. PR-1322-L61709
Tuan Er Teck Hwa [Bakri] minta **MENTERI DALAM NEGERI** menyatakan jumlah banduan yang ditahan di penjara bagi kesalahan kali pertama, kedua, ketiga dan keempat mengikut pecahan jenis kes jenayah dan hukuman.
21. PR-1322-L61333
Dato' Haji Mohd Zaim bin Abu Hasan [Parit] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah tindakan Kementerian berhubung dengan kemerosotan sentimen pengguna terhadap pasaran hartanah tempatan untuk memiliki rumah disebabkan harga rumah yang terlalu tinggi.
22. PR-1322-L61406
Datuk Linda Tsen Thau Lin [Batu Sapi] minta **PERDANA MENTERI** menyatakan tindakan yang diambil untuk mengetatkan keselamatan di Kawasan Keselamatan Khas Pantai Timur Sabah untuk mencegah kejadian penculikan di masa akan datang.
23. PR-1322-L61514
Tuan Abdullah Sani bin Abdul Hamid [Kuala Langat] minta **MENTERI PENGANGKUTAN** menyatakan apakah usaha Kementerian dalam menjaga kebajikan keluarga mangsa atas kehilangan MH370.
24. PR-1322-L62142
Datuk Ir. Dr. Wee Ka Siong [Ayer Hitam] minta **MENTERI PELANCONGAN DAN KEBUDAYAAN** menyatakan impak kepada sektor pelancongan akibat dari insiden MH370. Apakah langkah Kementerian untuk mengatasi kekusutan ini.

25. PR-1322-L62806
Tuan Wong Ling Bui [Sarikei] minta **PERDANA MENTERI** menyatakan dengan lebih mendalam bagaimanakah negara Malaysia dapat menjadi sebuah negara yang berpendapatan tinggi pada tahun 2020. Apakah langkah-langkah yang telah dan akan diambil oleh Kerajaan Persekutuan untuk membantu semua lapisan rakyat mencapai pendapatan yang tinggi pada atau sebelum tahun 2020.
26. PR-1322-L62466
Puan Teo Nie Ching [Kulai] minta **PERDANA MENTERI** menyatakan jaminan Kerajaan untuk menyediakan 500,000 rumah untuk golongan sasaran PR1MA dan berapa buah rumah telah dibina setakat ini.
27. PR-1322-L61693
Tuan Wilson Ugak Kumbong [Hulu Rajang] minta **MENTERI KERJA RAYA** menyatakan adakah terdapat perancangan untuk memanjangkan kursus-kursus kontraktor dan binaan oleh CIDB yang hanya dikendalikan di bandar-bandar sahaja ke kawasan yang lebih terpencil misalnya di Belaga atau Kapit dan memperluaskan had penggunaan lesen-lesen kontraktor atau binaan untuk meliputi mana-mana kawasan dan bukan hanya terhad kepada sesuatu kawasan sahaja.
28. PR-1322-L62079
Dato' Fauzi bin Abdul Rahman [Indera Mahkota] minta **MENTERI PENGANGKUTAN** menyatakan apakah sebabnya taklimat berkaitan kehilangan pesawat MAS MH370 kepada semua Ahli Parlimen termasuk Ahli Parlimen dari parti PKR, PAS dan DAP dibatalkan tempohari. Pembatalannya boleh menyebabkan banyak spekulasi yang Kerajaan sendiri tidak gemari.
29. PR-1322-L63172
Dr. Noor Azmi bin Ghazali [Bagan Serai] minta **MENTERI PENGANGKUTAN** menyatakan apakah Kementerian akan mengenakan tindakan yang lebih berat kepada pemandu yang tiada lesen wajib, memandu lebih laju dan menggunakan telefon bimbit semasa memandu dan apakah Kementerian akan bertindak lebih agresif ke atas pengusaha bas ekspres yang tidak mematuhi keperluan wajib dan latar belakang pemandu bas mereka yang boleh membahayakan nyawa penumpang berikutan insiden 10 kemalangan ngeri melibatkan bas ekspres baru-baru ini.
30. PR-1322-L61652
Datuk Nur Jazlan bin Mohamed [Pulai] minta **PERDANA MENTERI** menyatakan jumlah permit teksi individu yang diberikan serta jumlah syarikat teksi yang beroperasi di seluruh negara serta perbandingan antara permit syarikat teksi dan permit individu.
31. PR-1322-L61548
Datuk Raime bin Unggi [Tenom] minta **MENTERI PERTAHANAN** menyatakan visi terkini dasar pertahanan negara untuk menghadapi situasi ancaman-ancaman baru pada ketika ini dan akan datang.

32. PR-1322-L61754
Dato' Ir. Haji Nawawi bin Ahmad [Langkawi] minta **MENTERI KEWANGAN** menyatakan adakah Kerajaan sedar terdapat ramai orang yang merungut menyatakan mereka tidak layak menerima BR1M 3.0, sedangkan mereka mendapat BR1M yang sebelumnya. Apabila diajukan ke LHDN, pihak LHDN meminta mereka membuat permohonan semula, dan mereka tidak mendapat jawapan segera. Apakah prosedur Kerajaan berkaitan masalah BR1M ini, dan apakah tindakan Kerajaan bagi mengatasi masalah ini.
33. PR-1322-L61739
Tuan Che Mohamad Zulkifly bin Jusoh [Setiu] minta **MENTERI PENGANGKUTAN** menyatakan setakat manakah kelancaran operasi Lapangan Terbang Antarabangsa Kuala Lumpur 2 (KLIA 2) termasuk dari segi keselamatan dan nyatakan bilangan penumpang dan syarikat penerbangan yang telah menggunakan perkhidmatan KLIA 2 setakat ini serta nyatakan nilai tambah KLIA 2 ini berbanding LCCT bagi segi kepuasan pelanggan.
34. PR-1322-L62544
Dato' Dr. Tan Kee Kwong [Wangsa Maju] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah jumlah penempatan rumah transit bagi gelandangan di Kuala Lumpur dan apakah wujud perancangan untuk menambah rumah rumah transit ini kerana terdapat ramai gelandangan di Kuala Lumpur.
35. PR-1322-L62121
Datuk Madius Tangau [Tuaran] minta **MENTERI DALAM NEGERI** menyatakan apakah langkah-langkah yang telah diambil untuk membersihkan Mykad yang dikatakan dikeluarkan oleh sindiket secara rasuah.
36. PR-1322-L62196
Dato' Seri Anwar bin Ibrahim [Permatang Pauh] minta **MENTERI PENGANGKUTAN** menyatakan apakah langkah-langkah yang telah dan bakal diambil oleh Kerajaan dalam mempertingkatkan kawalan keselamatan udara domestik terutamanya selepas insiden kehilangan pesawat MH370.
37. PR-1322-L61635
Tuan Fong Kui Lun [Bukit Bintang] minta **MENTERI DALAM NEGERI** menyatakan bilangan kes pembantu rumah lari, kerugian yang ditanggung majikan dan usaha untuk mengesan mereka.
38. PR-1322-L62707
Tuan Wong Sze Phin @ Jimmy [Kota Kinabalu] minta **MENTERI PELANCONGAN DAN KEBUDAYAAN** menyatakan apakah kesan ekonomi dari segi kerugian pendapatan negara dan jumlah kemasukan pelancong akibat kehilangan MH370 dan kes-kes penculikan yang berlaku di Pantai Timur Sabah kepada industri pelancongan di Malaysia amnya dan di Sabah khasnya.

39. PR-1322-L61934
Tuan R. Sivarasa [Subang] minta **MENTERI KEWANGAN** menyatakan kenapa USD3 bilion yang dipinjam oleh *IMDB Global Investments Ltd. (1MGIL)* untuk pembangunan TRX diletak dengan institusi yang tidak dinamakan dalam akaun berkanun 1MDB untuk tahun 2013; berikan nama insitutusi tersebut dan juga nyatakan kenapa perjanjian untuk pelaburan itu tidak benarkan faedah, dividen atau edaran kepada 1MDB.
40. PR-1322-L62136
Tuan Shamsul Iskandar bin Mohd Akin [Bukit Katil] minta **MENTERI LUAR NEGERI** menyatakan apakah Perjanjian Antarabangsa mengenai Hak Sivil dan Politik (ICCPR) dan Perjanjian Antarabangsa mengenai Hak Ekonomi, Sosial dan Kebudayaan (ICESCR) telah bersedia untuk diratifikasi serta peruntukan-peruntukan di dalam ICCPR dan ICESCR yang Kerajaan menghadapi halangan.
41. PR-1322-L62624
Tuan Ng Wei Aik [Tanjong] minta **PERDANA MENTERI** menyatakan perubahan dari segi pendirian Kerajaan Persekutuan terhadap hukum hudud, di mana Perdana Menteri berkata hukum hudud tidak akan dilaksanakan di Malaysia pada tahun 2011 dan sekarang pula menegaskan Kerajaan Persekutuan tidak pernah menolak hukum hudud. Adakah ini suatu pendirian yang telah dipersetujui dalam mesyuarat Kabinet.
42. PR-1322-L61863
Tuan Haji Khalid bin Abdul Samad [Shah Alam] minta **MENTERI PENGANGKUTAN** menyatakan status cadangan pembentukan Jawatankuasa Pilihan Khas Ahli Parlimen bagi mengkaji tragedi penerbangan MAS MH370.
43. PR-1322-L61295
Puan Alice Lau Kiong Yieng [Lanang] minta **MENTERI KEWANGAN** menyatakan :-
- (a) jumlah Rumah Mesra Rakyat (RMR) di bawah Syarikat Perumahan Negara Berhad (SPNB) yang telah siap dibina di negeri Sarawak terutama di Sibu sejak skim ini diperkenalkan; dan
 - (b) jumlah permohonan serta peratusan yang berjaya memiliki Rumah Mesra Rakyat (RMR) mengikut pecahan di setiap negeri sejak rancangan ini mula dilaksanakan dan tindakan Kerajaan untuk membantu mengurangkan beban pembeli rumah itu disebabkan faktor kenaikan kos binaan dan harga tanah.

44. PR-1322-L63228
Datuk Rozman bin Isli [Labuan] minta **MENTERI DALAM NEGERI** menyatakan adakah Kementerian bercadang untuk memberikan permit kerja khas kepada tenaga buruh daripada luar negara untuk berkerja di Labuan dalam industri dan sektor pekerjaan kritikal di mana sumber tenaga buruh tempatan tidak berminat untuk mengisi kekurangan yang ada seperti peruncitan, pelancongan, pembinaan dan sebagainya.
45. PR-1322-L63211
Ust. Dato' Dr. Mohd. Khairuddin bin Aman Razali [Kuala Nerus] minta **PERDANA MENTERI** menyatakan adakah pihak Kerajaan bercadang untuk menyemak semula kadar 5 peratus royalti minyak kepada negeri-negeri pengeluaran.
46. PR-1322-L61604
Tuan Oscar Ling Chai Yew [Sibü] minta **PERDANA MENTERI** menyatakan mengapa proses melihat kembali (*revisit*) pembentukan Malaysia yang dijanjikan dalam Perjanjian Malaysia selepas 10 tahun Malaysia ditubuhkan tidak dijalankan, sekarang banyak ketidakpuashati sudah dikesan di kalangan rakyat Sarawak dan Sabah, bolehkah proses melihat kembali (*revisit*) dijalankan pada masa akan datang.
47. PR-1322-L61325
Dato' Haji Irmohizam bin Haji Ibrahim [Kuala Selangor] minta **MENTERI PERTAHANAN** menyatakan apakah manfaat dari segi jumlah pulangan atau hasil yang diperolehi daripada penganjuran Pameran Perkhidmatan Pertahanan Asia (DSA) 2014 terutamanya kepada industri pertahanan negara serta apakah kesan perjanjian-perjanjian perdagangan yang ditandatangani pada masa yang sama.
48. PR-1322-L62593
Tuan Lim Kit Siang [Gelang Patah] minta **MENTERI PERTAHANAN** menyatakan prosedur pengklasifikasi sasaran udara sebagai ancaman, dan sama ada pesawat yang terbang melalui ruang udara Malaysia tanpa transponder dan radio yang berfungsi pernah diklasifikasikan sebagai ancaman keselamatan.
49. PR-1322-L62013
Puan Kasthuriraani a/p Patto [Batu Kawan] minta **PERDANA MENTERI** menyatakan kos perbelanjaan keseluruhan bagi lawatan Presiden Amerika Syarikat Barrack Obama ke Malaysia pada bulan April 2014.
50. PR-1322-L61346
Datuk Ahmad Jazlan bin Yaakub [Machang] minta **MENTERI PENDIDIKAN** menyatakan :-
- (a) adakah Kementerian bercadang untuk menambah kursus-kursus di Universiti Teknologi Mara, Machang; dan

- (b) adakah Kementerian bercadang untuk memperbesarkan kampus UiTM cawangan Machang kerana masih terdapat 300 ekar tanah kosong di kawasan berhampiran.

51. PR-1322-L62012

Tuan Mohamed Hanipa bin Maidin [Sepang] minta **MENTERI PERDAGANGAN ANTARABANGSA DAN INDUSTRI** menyatakan :-

- (a) apakah isu TPPA dibincang antara Perdana Menteri dan Presiden Barack Obama semasa kunjungan Presiden Barack Obama ke Malaysia baru-baru ini; dan
- (b) adakah manfaat-manfaat ekonomi yang diperolehi oleh Malaysia hasil dari lawatan Presiden Barack Obama baru-baru ini.

52. PR-1322-L61837

Puan Nurul Izzah binti Anwar [Lembah Pantai] minta **MENTERI LUAR NEGERI** menyatakan :-

- (a) apakah pendirian Malaysia dalam isu hak kewarganegaraan masyarakat Islam Rohingya; dan
- (b) langkah-langkah bantuan kemanusiaan yang disalurkan kepada masyarakat Rohingya yang terus dimangsakan di Myanmar.

53. PR-1322-L61497

Datuk Wee Jeck Seng [Tanjong Piai] minta **MENTERI DALAM NEGERI** menyatakan statistik penagihan dadah dari tahun 2010 hingga 2013 serta apakah langkah Kementerian untuk membanteras masalah penagihan dadah hingga ke akar umbi.

54. PR-1322-L61490

Tuan Ngeh anak Gumbek [Mas Gading] minta **MENTERI KEMAJUAN LUAR BANDAR DAN WILAYAH** menyatakan sama ada Kementerian mempunyai rancangan untuk membina loji rawatan air baru di Bau memandangkan peningkatan penggunaan air bersih dan terawat di kawasan tersebut.

55. PR-1322-L61961

Tuan Ahmad Baihaki bin Atiqullah [Kubang Kerian] minta **MENTERI KEWANGAN** menyatakan menurut Gabenor Bank Negara, hutang seisi rumah di Malaysia adalah yang tertinggi di Asia. Bagaimanakah usaha yang telah dilakukan oleh pihak Kerajaan untuk memastikan masyarakat di Malaysia tidak menjadi masyarakat yang terpaksa berhutang sehingga ke tahap yang sangat membebankan.

56. PR-1322-L63163
Tuan Liew Chin Tong [Kluang] minta **MENTERI DALAM NEGERI** menyatakan apakah prosedur dan jangka masa untuk pelaksanaan hukuman mati banduan setelah hukuman mati dijatuhkan dan rayuan dan pengampunan ditolak. Adakah Kerajaan bercadang untuk melaksanakan moratorium terhadap pesalah hukuman mati.
57. PR-1322-L63051
Tuan Zairil Khir Johari [Bukit Bendera] minta **MENTERI PENDIDIKAN** menyatakan jumlah perbelanjaan semua agensi Kerajaan termasuk JPM dan Kementerian Pendidikan bagi lawatan kerja rombongan YAB. Timbalan Perdana Menteri ke Dubai, UAE dari 8-12 April 2014, termasuk penggunaan pesawat khas, penginapan, serta perbelanjaan lain.
58. PR-1322-L62669
Tuan Chua Tian Chang @ Tian Chua [Batu] minta **MENTERI SUMBER MANUSIA** menyatakan adakah pihak Kementerian baru-baru ini melancarkan program *Recognition of Prior Learning (RPL)*. Siapakah yang telah dianugerahkan kontrak untuk menjalankan program RPL. Bagaimana mereka dipilih dan adakah proses tender dijalankan. Berapakah jumlah kos keseluruhan program ini.
59. PR-1322-L61609
Tuan Oscar Ling Chai Yew [Sibü] minta **PERDANA MENTERI** menyatakan bilakah Akta Hasutan 1948 akan dimansuhkan seperti yang dijanjikan oleh Perdana Menteri pada tahun 2012. Memandangkan Kanun Keseksaan sudah mencukupi untuk menggantikan akta hasutan, selain dari akta keharmonian yang dicadangkan oleh kerajaan.
60. PR-1322-L63014
Tuan Nik Mohamad Abduh bin Nik Abdul Aziz [Pasir Mas] minta **MENTERI KOMUNIKASI DAN MULTIMEDIA** menyatakan adakah filem-filem yang terpilih untuk tayangan dalam pasaran filem antarabangsa, *Marche Du Film* sempena Festival Filem Antarabangsa mematuhi garis panduan yang telah ditetapkan dan adakah ia memaparkan identiti dan budaya masyarakat dan negara Malaysia yang sebenar.
61. PR-1322-L62409
Tan Sri Datuk Seri Panglima Joseph Pairin Kitingan [Keningau] minta **MENTERI PENGANGKUTAN** menyatakan bilakah laporan rasmi akan dibentangkan di Parlimen mengenai dengan MH370 yang telah hilang setelah terbang menuju ke China dan sehingga sekarang belum ditemui.
62. PR-1322-L62135
Tuan Wong Tien Fatt @ Wong Nyuk Foh [Sandakan] minta **MENTERI PERTAHANAN** menyatakan harga pembelian semua kapal selam dan berapakah kos penyelenggaraan kapal selam tersebut setiap tahun dalam belanjawan.

63. PR-1322-L61581
Datuk Aaron Ago anak Dagang [Kanowit] minta **MENTERI PENDIDIKAN** menyatakan jumlah peruntukan dan jumlah sekolah di kawasan luar bandar Sarawak yang telah dikenalpasti memerlukan kerja naik taraf atau penyelenggaraan dan pembinaan baru blok tambahan. Apakah prestasi kerja-kerja tersebut setakat ini.
64. PR-1322-L62908
Tan Sri Dato' Seri Abd Khalid bin Ibrahim [Bandar Tun Razak] minta **MENTERI SAINS, TEKNOLOGI DAN INOVASI** menyatakan bagaimana teknologi pembenihan awan terbaik di dunia, "*Royal Thai Rain Making Technology*" yang mengguna pakai kaedah "*ejectable flare rack*" untuk menghasilkan hujan di kawasan tadahan air dikatakan menggugat keselamatan negara.
65. PR-1322-L62699
Tuan Wong Sze Phin @ Jimmy [Kota Kinabalu] minta **MENTERI PENGANGKUTAN** menyatakan :-
- (a) apakah status atau nisbah penggunaan pengangkutan awam berbanding pemilik kenderaan peribadi di setiap daerah di Sabah. Berikan statistik '*ridership*' (penggunaan pengangkutan awam) di Bandaraya Kota Kinabalu bagi tahun 2008 hingga 2013; dan
 - (b) mengapa terdapat perbezaan caj untuk penukaran pemilik motosikal antara Semenanjung (RM3) dan Sabah (RM40).
66. PR-1322-L62283
Tuan Haji Hasbi bin Haji Habibollah [Limbang] minta **MENTERI KEMAJUAN LUAR BANDAR DAN WILAYAH** menyatakan status Jalan Meritam/ Telahak/ Buangabai/ Pengkalan Rejab/ Sungai Poyan Fasa 2 yang sudah ditamatkan kontrak kerana terbengkalai dan seterusnya pembinaan Fasa 3 untuk menyiapkan rangkaian jalan ini dan mencapai objektif memberi kemudahan asas kepada rakyat di pesisir sungai Limbang.
67. PR-1322-L62455
Tuan Jeff Ooi Chuan Aun [Jelutong] minta **MENTERI DALAM NEGERI** menyatakan sama ada pernyataan-pernyataan ISMA dan Perkasa yang berunsur hasutan serta anti bukan Melayu dan anti Kristian itu benar-benar dikecualikan daripada Kanun Siksaan ataupun Akta Hasutan yang masih wujud.
68. PR-1322-L62098
Puan Mas Ermieyati binti Samsudin [Masjid Tanah] minta **MENTERI KOMUNIKASI DAN MULTIMEDIA** menyatakan adakah pihak kementerian bercadang untuk menyambung kembali pemberian geran GMBO (*Get Malaysian Business Online*) mengkaji semula keberkesanannya dengan penambahbaikan supaya nilai gerannya dapat ditambah serta menjadikan pakej rangsangan perniagaan di atas talian berkembang dengan lebih maju.

69. PR-1322-L62727
Dato' Mohd Ariff Sabri bin Abdul Aziz [Raub] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) berapakah jumlah pemegang AP kereta di negara ini; dan
 - (b) daripada jumlah tersebut, berapa banyakkah dari kalangan pemegang AP itu adalah Bumiputera.
70. PR-1322-L63113
Datuk Dr. Haji Abd. Latiff bin Haji Ahmad [Mersing] minta **MENTERI PELANCONGAN DAN KEBUDAYAAN** menyatakan impak terhadap industri pelancongan setelah Operasi Pasir dilakukan dan diikuti dengan penubuhan ESSCOM di Timur Sabah. Adakah kehadiran pelancong asing terjejas ekoran daripada berlaku beberapa penculikan di kawasan berkenaan. Jika benar, apakah usaha Kementerian untuk menjelaskan bahawa kawasan tersebut masih selamat untuk dikunjungi.
71. PR-1322-L63093
Puan Hajah Fuziah binti Salleh [Kuantan] minta **MENTERI PENDIDIKAN** menyatakan :-
- (a) senarai yang mana satu Institusi Pengajian Tinggi yang berstatus sebuah institusi seperti yang ditakrifkan di bawah Seksyen 2 Akta Institusi-Institusi Pelajaran (Tatatertib) 1976 dan yang mana pula berstatus universiti di bawah Akta Universiti dan Kolej Universiti 1971; dan
 - (b) apakah pula kriteria yang membezakan di antara mereka.
72. PR-1322-L62051
Dato' Johari bin Abdul [Sungai Petani] minta **MENTERI TENAGA, TEKNOLOGI HIJAU DAN AIR** menyatakan :-
- (a) berapakah jumlah wang yang telah dikumpulkan di bawah Kumpulan Wang Tenaga Boleh Baharu kutipan oleh TNB sejak dilaksanakan hingga kini; dan
 - (b) jika telah dibelanjakan berikan pecahan perbelanjaan dan siapa yang berkuasa atas semua perbelanjaan ini.
73. PR-1322-L62269
Dato' Ngeh Koo Ham [Beruas] minta **MENTERI PERDAGANGAN ANTARABANGSA DAN INDUSTRI** menyatakan adakah kerajaan bercadang memansuhkan sistem AP (*Approved Permit*) untuk pengimportan kenderaan daripada luar negara, kalau tidak, adakah kerajaan bercadang menjual AP ini kepada mereka yang membayar bayaran yang tertinggi untuk menambah hasil kerajaan.

74. PR-1322-L62111
Dato' Hasbullah bin Osman [Gerik] minta **MENTERI DALAM NEGERI** menyatakan :-
- (a) apakah status terkini berkenaan pelaksanaan saman kamera *Automated Enforcement System (AES)*; dan
 - (b) statistik kejayaan memerangi kemalangan jalanraya selepas pelaksanaan kamera AES.
75. PR-1322-L61499
Datuk Zahidi bin Zainul Abidin [Padang Besar] minta **PERDANA MENTERI** menyatakan adakah produk makanan sejuk beku (*frozen food*) dan makanan lain yang diimport dari luar negara di pantau dari segi halalnya dipintu masuk pelabuhan.
76. PR-1322-L62752
Datuk Jumat bin Idris [Sepanggar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berikutan masalah kenaikan harga rumah yang tidak terkawal, apakah Kementerian mempunyai pelan strategik untuk mengawal kenaikan harga rumah di masa akan datang.
77. PR-1322-L61401
Dr. Lee Boon Chye [Gopeng] minta **MENTERI KEWANGAN** menyatakan Setakat manakah tahap pelaksanaan dasar '*Outcome-Based Budgeting*' sepertimana yang diumumkan semasa pembentangan Belanjawan 2014.
78. PR-1322-L62505
Dato' Shamsul Anuar bin Haji Nasarah [Lenggong] minta **MENTERI TENAGA, TEKNOLOGI HIJAU DAN AIR** menyatakan :-
- (a) langkah Kementerian menangani fenomena El-Nino; dan
 - (b) apakah jangkaan kesan yang akan berlaku dan bagaimana usaha meningkatkan kesedaran dan persediaan di kalangan rakyat.
79. PR-1322-L61580
Datuk Juslie bin Ajirol [Libaran] minta **PERDANA MENTERI** menyatakan jumlah usahawan Bumiputera Sabah yang telah menyertai Skim Usahawan Permulaan Bumiputera (SUPERB) yang diperkenalkan pada 27 Januari 2014 lalu dalam usaha menghasilkan usahawan Bumiputera untuk memulakan perniagaan dengan idea yang kreatif.

80. PR-1322-L61888
Tuan Chong Chieng Jen [Bandar Kuching] minta **MENTERI PENDIDIKAN** menyatakan apakah hasil siasatan atas peristiwa sekumpulan NGO berasaskan agama yang menjalankan pengajaran agama Islam terhadap murid-murid Kristian di SMK Balai Ringin, Serian, Sarawak kebelakangan ini dan apakah tindakan lanjutan yang diambil terhadap Pengetua SMK Balai Ringin tersebut.
81. PR-1322-L62551
Dato Sri Dr. Muhammad Leo Michael Toyad Abdullah [Mukah] minta **MENTERI PENDIDIKAN** menyatakan bilangan Kolej Komuniti yang belum di bina dan bila kah Kolej Komuniti Mukah akan di bina.
82. PR-1322-L61430
Ir. Shaharuddin bin Ismail [Kangar] minta **PERDANA MENTERI** menyatakan :-
- (a) adakah cadangan untuk tidak melelong rumah pertama individu yang diisytiharkan bankrap terutamanya golongan yang berpendapatan rendah dan sederhana mungkin direalisasikan bagi mengurangkan bebanan golongan ini yang mungkin akan hilang tempat berteduh; dan
 - (b) apakah mekanisme yang dirangka bagi membetulkan salah anggap masyarakat tentang fungsi Jabatan Insolvensi.
83. PR-1322-L62598
Tuan Khoo Soo Seang [Tebrau] minta **MENTERI KESIHATAN** menyatakan apakah perkhidmatan-perkhidmatan atau kemudahan yang para pesakit di hospital awam perlu membayar dan apakah caranya Kerajaan boleh membantu pesakit-pesakit yang tidak mampu.
84. PR-1322-L62151
Tuan Sim Chee Keong [Bukit Mertajam] minta **MENTERI KEWANGAN** menyatakan langkah-langkah yang Kerajaan ambil untuk mengatasi masalah hutang isi rumah negara yang merupakan yang tertinggi di Asia iaitu 86.8% GDP.
85. PR-1322-L62684
Tuan Julian Tan Kok Ping [Stampin] minta **PERDANA MENTERI** menyatakan mempertimbangkan cadangan bahawa penggunaan bas sekolah dari 30 tahun ke atas diluluskan di Sarawak membandingkan tahap kegunaan tidak sama seperti di Semenanjung.

86. PR-1322-L62230
Dato' Mansor bin Othman [Nibong Tebal] minta **MENTERI KEMAJUAN LUAR BANDAR DAN WILAYAH** menyatakan perkembangan ataupun kemajuan Pusat Transformasi Luar Bandar (RTC) di Terengganu, Kedah, Pulau Pinang dan Johor sepertimana yang disebut oleh Menteri pada Februari lalu dan apakah jangkaan pulangan dari aspek peningkatan taraf sosioekonomi kepada penduduk setempat.
87. PR-1322-L61707
Tuan Er Teck Hwa [Bakri] minta **MENTERI PERDAGANGAN ANTARABANGSA DAN INDUSTRI** menyatakan senarai jumlah makanan dan minuman serta produk halal negara yang dieksport keluar mengikut negara pengeksport, jenis produk, jumlah produk dan jumlah hasil yang diterima dari 2008 hingga kini.
88. PR-1322-L61601
Tuan Liang Teck Meng [Simpang Renggam] minta **MENTERI PENGANGKUTAN** menyatakan bilakah Kementerian akan memastikan semua syarikat penerbangan di Malaysia akan dilengkapi dengan pangkalan data *Interpol's Stolen & Lost Travel Documents* (STLD) daripada bergantung kepada *Offline Interpol Data System* yang perlu dikemaskini dari semasa ke semasa.
89. PR-1322-L61838
Datuk Ikmal Hisham bin Abdul Aziz [Tanah Merah] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah kejayaan Ops Titik dilancarkan pada 15 Mei lalu bertujuan membanteras penyelewengan diesel subsidi dan berapakah jumlah tangkapan yang dilakukan.
90. PR-1322-L61402
Dr. Lee Boon Chye [Gopeng] minta **MENTERI KEWANGAN** menyatakan jumlah hutang yang ditanggung oleh 1MDB.
91. PR-1322-L62395
Dato' Abdul Manan bin Ismail [Paya Besar] minta **MENTERI DALAM NEGERI** menyatakan pergerakan kumpulan pengganas radikal Islam, Al-Syabab yang berkembang di Somalia telah dikatakan menyusup masuk secara aktif di Malaysia sejak dua tahun lalu.
92. PR-1322-L61755
Dato' Ir. Haji Nawawi bin Ahmad [Langkawi] minta **MENTERI KEWANGAN** menyatakan berikutan GST akan dilaksanakan pada April 2015, tetapi terdapat banyak kedai yang telah mengeluarkan dalam bil mereka perkataan GST, sedangkan ianya untuk "Government Service Tax" (Cukai Perkhidmatan Kerajaan). Apakah Kerajaan peka berkaitan hal ini, dan apakah ada cadangan agar pengguna tidak terkeliru dengan akronim tersebut.

93. PR-1322-L62761
Datuk Hajah Norah binti Abd Rahman [Tanjong Manis] minta **MENTERI PEMBANGUNAN WANITA, KELUARGA DAN MASYARAKAT** menyatakan sejauh mana pencapaian dasar sekurang-kurangnya 30 peratus wanita di peringkat pembuat keputusan dalam sektor korporat telah dicapai.
94. PR-1322-L63078
Dato' Seri Abdul Hadi bin Awang [Marang] minta **MENTERI PENDIDIKAN** menyatakan apakah pendirian terkini Kementerian terhadap penghantaran pelajar Malaysia ke institusi-institusi pengajian tinggi Islam di negara-negara yang sedang bergolak seperti Mesir dan Syria.
95. PR-1322-L62273
Dato' Ngeh Koo Ham [Beruas] minta **MENTERI KESIHATAN** menyatakan bagaimana operasi bahagian swasta di Hospital Kerajaan dilaksanakan. Bagaimanakah seorang pesakit yang mendapat rawatan di hospital kerajaan akan dirujuk atau diberi rawatan dibahagian swasta.
96. PR-1322-L61909
Dato' Kamarudin bin Jaffar [Tumpat] minta **MENTERI LUAR NEGERI** menyatakan apakah tindakan Kerajaan untuk memastikan peranan OIC yang lebih berkesan dalam menangani berbagai isu yang dihadapi oleh negara anggota.
97. PR-1322-L62296
Puan Siti Zailah binti Mohd Yusoff [Rantau Panjang] minta **MENTERI DALAM NEGERI** menyatakan mengapakah kawalan sempadan Kelantan-Thailand ditugaskan untuk pasukan tentera sedangkan pasukan polis lebih berkuasa untuk mengeledah penyeludupan melalui sempadan dan mengapakah "roadblock" di Kg. Banggol Kong, Jeram Perdah ditiadakan menyebabkan penyeludupan mudah berlaku.
98. PR-1322-L61351
Datuk Ahmad Jazlan bin Yaakub [Machang] minta **MENTERI PENDIDIKAN** menyatakan :-
- (a) apakah bentuk bantuan yang diberikan oleh Kementerian dalam membantu pelajar-pelajar cemerlang yang tinggal di kawasan pedalaman dan luar bandar baik daripada aspek bantuan material atau sokongan moral; dan
 - (b) berapa ramaiakah pelajar-pelajar cemerlang luar bandar dihantar untuk melanjutkan pelajaran peringkat ijazah di luar negara.

99. PR-1322-L61787
Datuk Sapawi bin Ahmad Wasali [Sipitang] minta **PERDANA MENTERI** menyatakan pertimbangan permintaan bagi menaikkan kadar royalti minyak untuk Sabah dan Sarawak kepada 20 peratus, berikutan kelulusan usul mengenainya di persidangan Dewan Undangan Negeri Sarawak pada awal bulan Mei lepas.
100. PR-1322-L61669
Tuan Lim Lip Eng [Segambut] minta **PERDANA MENTERI** menyatakan kos Kerajaan melantik peguam swasta sejak tahun 2010 mengikut nama kes dan nama peguam masing-masing. Alasan Kerajaan tidak menggunakan khidmat Jabatan Peguam Negara dalam kes-kes tersebut.
101. PR-1322-L63049
Dr. Mohd Hatta bin Md. Ramli [Kuala Krai] minta **MENTERI KEWANGAN** menyatakan adakah benar seramai 4.63 juta isi rumah iaitu bersamaan 65 peratus daripada keseluruhan 7.1 juta isi rumah di Malaysia layak menerima BR1M pada tahun ini dan adakah ini bermakna bahawa hampir 2/3 daripada keseluruhan jumlah isi rumah di Malaysia masih bergantung kepada bantuan Kerajaan.
102. PR-1322-L63148
Tuan Wong Chen [Kelana Jaya] minta **MENTERI DALAM NEGERI** menyatakan jenis visa yang diberi kepada warga Iran yang ditahan semasa operasi yang berlangsung pada 11-12 Mei 2014 berhubung dengan pengedaran dadah.
103. PR-1322-L63187
Dr. Hajah Siti Mariah binti Mahmud [Kota Raja] minta **MENTERI KEWANGAN** menyatakan jumlah kerugian tahunan syarikat Penerbangan Malaysia (MAS) semenjak 2010 dan apakah sebab-sebab utama MAS mengalami kerugian dan apakah usaha kerajaan untuk menyelamatkan MAS dari mengalami kebangkrutan.
104. PR-1322-L63271
Dato' Sri Haji Abdul Azeez bin Abdul Rahim [Baling] minta **MENTERI TENAGA, TEKNOLOGI HIJAU DAN AIR** menyatakan apakah langkah-langkah Kerajaan dalam memastikan kualiti air di kawasan Baling ini terjamin memandangkan terdapat aduan dari penduduk di kawasan ini yang masih tidak berpuas hati dengan taraf kebersihan air di sini.
105. PR-1322-L62348
Tuan Ignatius Dorell Leiking [Penampang] minta **MENTERI KEWANGAN** menyatakan kadar unjuran inflasi dalam ekonomi Sabah dan Sarawak pada tahun 2015 dengan mengambil kira kesan gabungan caj kabotaj yang kini sedang berjalan dan pelaksanaan GST yang akan dijalankan kelak.

106. PR-1322-L62937
Tuan Haji Mohd Fasih bin Haji Mohd Fakeh [Sabak Bernam] minta **PERDANA MENTERI** menyatakan adakah Kerajaan bercadang untuk menubuhkan Jawatankuasa Teknikal Pelaksanaan Hukum Hudud peringkat kebangsaan dan apakah peranan jawatankuasa ini bagi memastikan pelaksanaan hukum Hudud di negara ini tidak menimbulkan tohmahan serta menjejaskan imej Islam.
107. PR-1322-L63080
Dato' Seri Abdul Hadi bin Awang [Marang] minta **MENTERI PENDIDIKAN** menyatakan adakah Kementerian telah menjalankan kajian menyeluruh terhadap keberkesanan pelaksanaan program J-Qaf dan apakah status terkini setelah ada ura-ura program ini akan dimansuhkan.
108. PR-1322-L62930
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah teknologi inovatif, mesra alam, minimum pencemaran, kos berpatutan yang tidak membebankan rakyat yang akan dilaksanakan bagi pelupusan sisa pepejal di Malaysia khususnya di Lembah Klang memandangkan pembukaan tapak pelupusan baru bukan lagi penyelesaian jangka panjang yang lestari akibat saingan untuk tujuan lain sedangkan tanah terhad.
109. PR-1322-L61732
Datuk Koh Nai Kwong [Alor Gajah] minta **PERDANA MENTERI** menyatakan berapa banyak kes yang telah dilapor dengan penguatkuasaan Akta Pencegahan Pengubahan Wang Haram dan Pencegahan Pembiayaan Keganasan 2001 dan berapa banyak kes yang telah dibawa ke mahkamah dan selesai.
110. PR-1322-L63237
Tuan Sim Tong Him [Kota Melaka] minta **MENTERI PELANCONGAN DAN KEBUDAYAAN** menyatakan :-
- (a) tentang kedudukan dan pencapaian projek Tahun Melawat Malaysia 2014, apakah kesan-kesan buruk yang merosakan usaha Kementerian dalam projek ini; dan
 - (b) apakah impak dari tragedi MH370 dan kes penculikan orang asing di Sabah kepada sektor pelancongan dan nyatakan usaha Kementerian untuk mengatasi keadaan ini.
111. PR-1322-L62241
Dato' Mansor bin Othman [Nibong Tebal] minta **MENTERI PENGANGKUTAN** menyatakan adakah Kerajaan bercadang membenteng Laporan Kertas Putih di Parlimen mengenai insiden kehilangan misteri pesawat MH 370, dan bila.

112. PR-1322-L62536
Datuk Chua Tee Yong [Labis] minta **PERDANA MENTERI** menyatakan kenapakah hasil Program Transformasi Ekonomi (ETP) seperti GNI per kapita bertambah 42,5 peratus bermaksud kepada rakyat, sedangkan rakyat sekarang dibebani oleh harga rumah yang tinggi and kos hidup meningkat.
113. PR-1322-L62421
Dato' Othman bin Aziz [Jerlun] minta **MENTERI SAINS, TEKNOLOGI DAN INOVASI** menyatakan jumlah bilangan penerima geran penyelidikan di bidang pertanian yang telah dikomersialkan. Berapakah penyelidikan di bidang industri padi yang telah dikeluarkan oleh Kementerian kepada syarikat tempatan.
114. PR-1322-L62856
Dr. Tan Seng Giaw [Kepong] minta **MENTERI PELANCONGAN DAN KEBUDAYAAN** menyatakan keadaan sektor pelancongan selepas kehilangan ghaib MH370 dan penculikan di Sabah. Apakah langkah untuk menyelamatkannya.
115. PR-1322-L62248
Tuan Masir Kujat [Sri Aman] minta **MENTERI PEMBANGUNAN WANITA, KELUARGA DAN MASYARAKAT** menyatakan :-
- (a) berapakah jumlah ibu tunggal yang berdaftar dalam sistem e-Kasih Kementerian di Parlimen P202 Sri Aman; dan
 - (b) apakah inisiatif dan bantuan yang telah disalurkan kepada mereka untuk menampung kos sara hidup.
116. PR-1322-L62952
Dr. Michael Jeyakumar Devaraj [Sungai Siput] minta **MENTERI PEMBANGUNAN WANITA, KELUARGA DAN MASYARAKAT** menyatakan jangkaan kos tahunan yang akan dikenakan jika skim pencen RM200 sebulan diamalkan untuk setiap warga Malaysia yang berumur 70 tahun ke atas selain daripada mereka yang sedang menerima pencen persaraan atau pencen PERKESO.
117. PR-1322-L61485
Datuk Joseph Salang anak Gandum [Julau] minta **MENTERI TENAGA, TEKNOLOGI HIJAU DAN AIR** menyatakan sama ada Kementerian telah menjalankan kajian berkenaan kesesuaian sesuatu teknologi berbanding dengan yang lain dalam menjana tenaga boleh dibaharui.
118. PR-1322-L61597
Puan Teresa Kok Suh Sim [Seputeh] minta **MENTERI DALAM NEGERI** menyatakan sama ada Kerajaan akan mendakwa NGO yang mengeluarkan ugutan untuk menampar Ahli Parlimen Seputeh, dan juga Dato Yong Teck Lee yang memberi tawaran untuk menampar Menteri Dalam Negeri. Apakah rasional dan pendirian Kerajaan dalam isu ugutan menampar ini.

119. PR-1322-L62808
Tuan Wong Ling Bui [Sarikei] minta **MENTERI KEWANGAN** menyatakan kedudukan kewangan negara ini pada masa sekarang. Berapakah jumlah hutang luar Kerajaan Pusat dan hutang dalam negara setakat sekarang. Adakah kedudukan kewangan negara sekarang akan mengakibatkan negara ini muflis pada masa yang akan datang.
120. PR-1322-L62268
Dato' Ngeh Koo Ham [Beruas] minta **MENTERI PERDAGANGAN ANTARABANGSA DAN INDUSTRI** menyatakan bilakah cukai import kereta akan dikurangkan atau dimansuhkan supaya rakyat boleh menikmati harga kereta yang lebih murah.
121. PR-1322-L62560
Tuan Haji Zainudin bin Ismail [Jelebu] minta **PERDANA MENTERI** menyatakan :-
- (a) jumlah permohonan sijil halal yang telah diterima oleh JAKIM dari tahun 2010-2013 dan berapa yang telah di tolak. Nyatakan juga sebab-sebab permohonan tersebut gagal; dan
 - (b) jangka masa yang diambil bagi memproses sesuatu permohonan sijil halal dan berapa banyak permohonan yang masih menunggu kelulusan.
122. PR-1322-L61710
Tuan Mohamed Azmin bin Ali [Gombak] minta **MENTERI KEWANGAN** menyatakan jumlah kehilangan pendapatan yang ditanggung Kerajaan daripada hasil cukai akibat kegiatan penyeludupan.
123. PR-1322-L62106
Dato' Hasbullah bin Osman [Gerik] minta **PERDANA MENTERI** menyatakan usaha-usaha yang telah diambil oleh pihak JAKIM untuk memastikan status halal dalam bidang farmaseutikal di Malaysia.
124. PR-1322-L62427
Dato' Othman bin Aziz [Jerlun] minta **MENTERI PELANCONGAN DAN KEBUDAYAAN** menyatakan bilangan kes penipuan jemaah umrah sepanjang tahun 2013 dan apakah cadangan untuk mengelakkan masalah sindiket penipuan jemaah umrah yang berleluasa kebelakangan ini.
125. PR-1322-L62844
Tuan Anuar bin Abd. Manap [Sekijang] minta **MENTERI PERTAHANAN** menyatakan :-
- (a) apakah perkembangan cadangan naik taraf koperasi tentera sebagai sebuah bank; dan

- (b) apakah impak positif yang akan dinikmati oleh pesara tentera jika bank koperasi tentera beroperasi.

126. PR-1322-L62474

Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI KERJA RAYA** menyatakan Kerajaan telah menyasarkan penggunaan 70 peratus komponen IBS untuk projek-projek Kerajaan. Adakah sasaran ini telah dapat dicapai dan apakah masalah-masalah yang sedia ada serta apakah langkah-langkah Kerajaan seterusnya yang patut diambil bagi meningkatkan penggunaan IBS dalam industri pembinaan.

127. PR-1322-L61768

Dato' Kamarul Baharin bin Abbas [Telok Kemang] minta **MENTERI PERTANIAN DAN INDUSTRI ASAS TANI** menyatakan apakah tindakan Kementerian untuk tempoh jangka masa pendek dan jangka panjang bagi mengurangkan kebergantungan kepada import barangan makanan asas negara yang sekarang telah melebihi RM13 bilion setahun.

128. PR-1322-L63058

Dr. Mohd Hatta bin Md. Ramli [Kuala Krai] minta **PERDANA MENTERI** menyatakan apakah langkah-langkah yang dibuat oleh Kerajaan Persekutuan bagi membantu Kerajaan Negeri Kelantan dalam pelaksanaan Kanun Jenayah Syariah (II) 1993 di Kelantan.

129. PR-1322-L63053

Tuan Zairil Khir Johari [Bukit Bendera] minta **MENTERI PENDIDIKAN** menyatakan senarai delegasi penuh lawatan kerja rombongan YAB. Timbalan Perdana Menteri ke Dubai, UAE dari 8 hingga 12 April 2014, serta kewajaran bagi penglibatan setiap peserta.

130. PR-1322-L62400

Raja Dato' Kamarul Bahrin Shah [Kuala Terengganu] minta **PERDANA MENTERI** menyatakan bilakah Kerajaan Malaysia berhasrat menaikkan royalti minyak kepada negeri-negeri pengeluar minyak Malaysia berikutan keputusan sebulat suara Dewan Undangan Negeri Sarawak meminta royalti minyak ke Sarawak dinaikkan ke tahap 20 peratus (dua puluh peratus).

131. PR-1322-L62994

Tuan Tan Kok Wai [Cheras] minta **MENTERI WILAYAH PERSEKUTUAN** menyatakan berkaitan dengan cadangan pembangunan semula tanah Kerajaan dimana velodrom dan pejabat Jabatan Kejuruteraan dan Mekanikal DBKL terletak, berapakah keluasan setiap tanah, nama pemilik asalnya, siapakah yang membeli atau memajak tanah, harganya, jenis pembangunan semula yang dicadangkan serta bilakah dan dimanakah velodrom dan jabatan-jabatan DBKL akan ditempatkan semula.

132. PR-1322-L63104
Tuan Wan Hasan bin Mohd Ramli [Dungun] minta **PERDANA MENTERI** menyatakan adakah Kementerian bersedia untuk mewujudkan sistem pengangkutan perkhidmatan kereta api bagi kemajuan dan pembangunan negeri Terengganu.
133. PR-1322-L63245
Dato' Noraini binti Ahmad [Parit Sulong] minta **MENTERI KOMUNIKASI DAN MULTIMEDIA** menyatakan skop program Digital Malaysia (DM) dan apakah program khusus Kementerian dalam memastikan penduduk di kawasan luar bandar turut dilibatkan sama secara aktif dan mendapat manfaat dari program tersebut.
134. PR-1322-L62971
Datuk Noor Ehsanuddin bin Mohd Harun Narrashid [Kota Tinggi] minta **MENTERI KESIHATAN** menyatakan adakah Kementerian mempunyai cadangan supaya pusat penyelidikan penyakit berjangkit dan merbahaya mewujudkan jaringan usahasama bersama pusat-pusat penyelidikan dalam negara termasuk unit penyelidikan dalam universiti-universiti negara agar memperkukuhkan lagi keupayaan kerajaan bagi menangani wabak-wabak bahaya pada masa akan datang.
135. PR-1322-L62451
Tuan Jeff Ooi Chuan Aun [Jelutong] minta **MENTERI DALAM NEGERI** menyatakan sama ada Kerajaan akan menerbitkan satu Kertas Putih mengenai sekumpulan pengganas Al-Qaeda yang telah ditangkap di Malaysia semasa mereka merancang untuk menyerang kedutaan tertentu di India baru-baru ini. Adakah Malaysia menjadi pangkalan haram bagi pengganas tersebut.
136. PR-1322-L62828
Tuan Ahmad Marzuk bin Shaary [Bachok] minta **MENTERI DALAM NEGERI** menyatakan apakah hasil siasatan polis terhadap kemalangan maut yang melibatkan mendiang Karpal Singh.
137. PR-1322-L61861
Dato' Abd. Aziz bin Haji Sheikh Fadzir [Kulim Bandar Baharu] minta **PERDANA MENTERI** menyatakan apakah langkah yang sedang dan akan diambil Kerajaan dalam membendung gejala murtad yang semakin serius dan berlaku secara terbuka dan berapakah statistik penama yang murtad mengikut pecahan bangsa, umur dan jantina bagi tahun 2010 sehingga 2013.
138. PR-1322-L62484
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI PENGANGKUTAN** menyatakan apakah kewajaran kadar "road tax" atau "cukai jalan" kereta dikenakan mengikut kapasiti enjin kereta dan tidak mengikut penggunaan dan kategori permotoran yang dinamik seperti yang diamalkan di negara-negara maju. Apakah pihak JPJ akan mengkaji dan menyelaraskan semula perkara ini.

139. PR-1322-L61962
Tuan Idris bin Haji Ahmad [Bukit Gantang] minta **MENTERI PERUSAHAAN PERLADANGAN DAN KOMODITI** menyatakan bolehkah pihak Kementerian memastikan harga lantai bagi getah dengan Kerajaan membeli getah terlebih dahulu untuk stok penimbal supaya nasib pekebun getah terbela tanpa mengambil kira turun naik harga di pasaran dunia.
140. PR-1322-L63040
Tuan Haji Nasrudin bin Hassan [Temerloh] minta **PERDANA MENTERI** menyatakan hasil siasatan SPRM terhadap dakwaan rasuah yang berlaku dalam kegiatan penyelewengan minyak/diesel bersubsidi.
141. PR-1322-L62545
Dato' Dr. Tan Kee Kwong [Wangsa Maju] minta **MENTERI DALAM NEGERI** menyatakan apakah terdapat perancangan untuk membina bangunan Ibu Pejabat Polis Daerah Wangsa Maju di dalam kawasan Wangsa Maju.
142. PR-1322-L62913
Tuan M. Kulasegaran [Ipoh Barat] minta **MENTERI PENDIDIKAN** menyatakan :-
- (a) bilangan pelajar yang belajar di sekolah Kebangsaan, Sekolah Jenis Kebangsaan (C) dan (T) dan berikan pecahan pelajar mengikut kaum masing-masing; dan
 - (b) nyatakan jumlah perbelanjaan yang telah dibelanjakan oleh Kerajaan bagi setiap pelajar untuk setiap bulan di sekolah-sekolah tersebut.
143. PR-1322-L63139
Tuan Wong Chen [Kelana Jaya] minta **MENTERI DALAM NEGERI** menyatakan :-
- (a) adakah Ikatan Muslimin Malaysia (ISMA) satu persatuan yang sah di bawah Akta Pertubuhan 1966; dan
 - (b) pernahkah ISMA menerima apa-apa dana, sokongan atau pembayaran daripada pihak Kerajaan.
144. PR-1322-L63092
Puan Hajah Fuziah binti Salleh [Kuantan] minta **MENTERI DALAM NEGERI** menyatakan :-
- (a) apakah tindakan yang akan diambil ke atas penerbit buku yang didapati bersalah membawa ajaran sesat melalui bahan-bahan percetakan yang dikeluarkan oleh syarikat penerbitan masing-masing; dan
 - (b) apakah mekanisme aduan rakyat yang boleh diambil oleh rakyat sekiranya pengguna mendapati sesuatu percetakan itu ada unsur-unsur membawa ajaran sesat.

145. PR-1322-L61362
Datuk Dr. Makin @ Marcus Mojigoh [Putatan] minta **MENTERI TENAGA, TEKNOLOGI HIJAU DAN AIR** menyatakan :-
- (a) berapakah jumlah peruntukan yang telah disalurkan kepada negeri Sabah, melalui program SEDA (*Sustainable Energy Development Authority Malaysia*) setiap tahun sejak tahun 2010; dan
 - (b) apakah projek tersebut, di mana dan berapa kosnya.
146. PR-1322-L62769
Datuk Hajah Norah binti Abd Rahman [Tanjong Manis] minta **MENTERI KEWANGAN** menyatakan sama ada Kementerian Kewangan dan agensi berkaitan (LHDN) dapat mencari suatu jalan untuk memudahkan pemberian BR1M untuk kawasan-kawasan luar bandar yang tidak mempunyai bank dan memandangkan ia menyusahkan rakyat untuk pergi ke bandar dan kebanyakan mereka tidak mempunyai akaun bank serta amat menyusahkan golongan warga emas yang tua dan uzur.
147. PR-1322-L62938
Dr. Michael Jeyakumar Devaraj [Sungai Siput] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilangan projek MyHome (dimana RM 30,000 ditawarkan untuk setiap rumah yang dibina) yang telah pun diluluskan sehingga sekarang dengan maklumat kawasan dan bilangan rumah setiap projek.
148. PR-1322-L61740
Datuk Koh Nai Kwong [Alor Gajah] minta **PERDANA MENTERI** menyatakan sama ada Kerajaan dapat membuka jawatan pentadbiran kanan (*senior management*) secara kontrak kepada individu cemerlang dari sektor korporat supaya mereka dapat diserap untuk berkhidmat dengan Kerajaan.
149. PR-1322-L62082
Dato' Fauzi bin Abdul Rahman [Indera Mahkota] minta **MENTERI PERTANIAN DAN INDUSTRI ASAS TANI** menyatakan :-
- (a) apakah dasar serta langkah-langkah Kementerian untuk mewujudkan ladang-ladang komersial bagi tanaman kontan seperti sayuran dan sebagainya agar rakyat tempatan dapat menikmati harga pasaran yang lebih rendah dari ketika ini, sekaligus dapat membantu kawalan kenaikan harga; dan
 - (b) adakah Kementerian bersedia kembali kepada dasar terdahulu, di mana peladang-peladang dapat menikmati "*extension service*" seperti bajak, baja bersubsidi dan lain-lain.

150. PR-1322-L62516
Dr. Ko Chung Sen [Kampar] minta **MENTERI KEWANGAN** menyatakan :-
- (a) kos menyewa dua unit Proton Perdana edisi khas berwajah baru untuk kegunaan YAB. Perdana Menteri dan YAB. Timbalan Perdana Menteri; dan
 - (b) kos sewaan untuk 200 unit pertama Proton Perdana baharu dan jumlah 3000 unit Proton Perdana yang dijangka diterima Kerajaan sehingga dua tahun akan datang.
151. PR-1322-L61943
Dr. Haji Izani bin Haji Husin [Pengkalan Chepa] minta **PERDANA MENTERI** menyatakan :-
- (a) adakah Kerajaan bercadang untuk memperkenalkan peruntukan undang-undang yang membolehkan badan wakaf diuruskan oleh badan-badan atau syarikat-syarikat selain daripada Majlis Agama Islam Negeri bagi menggalakkan penyertaan sektor korporat dalam bidang wakaf; dan
 - (b) apakah perkembangan terbaru mengenai pelaksanaan Pelan Induk Wakaf Korporat dan bagaimana ia bakal dijalankan.
152. PR-1322-L61405
Dr. Lee Boon Chye [Gopeng] minta **MENTERI KEWANGAN** menyatakan pendirian Kerajaan berkenaan penggunaan "*bitcoin*" sebagai matawang digital.
153. PR-1322-L62378
Dr. Azman bin Ismail [Kuala Kedah] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah yang telah dilakukan oleh Kementerian untuk memerangi gejala "membuang sampah merata-rata" (*littering habits*) di kalangan rakyat Malaysia.
154. PR-1322-L62896
Datuk Haji Shabudin bin Yahaya [Tasek Gelugor] minta **MENTERI DALAM NEGERI** menyatakan status dan situasi penagihan dadah di Malaysia dan status keberkesanan agensi-agensi yang bertanggungjawab dalam hal ini.
155. PR-1322-L62288
Tuan Sim Tze Tzin [Bayan Baru] minta **MENTERI PENGANGKUTAN** menyatakan sebab-sebab Kerajaan Pusat membiayai kos RM100 juta pembinaan *Express Rail Link* (ERL) KLIA 2 dengan menggunakan dana awam sedangkan syarikat tersebut milikan swasta dan mampu membiayai sendiri.

156. PR-1322-L62264
Tuan Gobind Singh Deo [Puchong] minta **PERDANA MENTERI** menyatakan apakah langkah-langkah dan tindakan yang akan diambil untuk menyelesaikan masalah kes-kes cerai sivil dan hak penjagaan anak di mana salah seorang suami atau isteri memeluk agama Islam.
157. PR-1322-L62882
Dato' Seri Tiong King Sing [Bintulu] minta **PERDANA MENTERI** menyatakan apakah usaha penambahbaikan dalam pengurusan bencana dan persiapan operasi penyelamat negara dalam menghadapi sebarang kemungkinan selepas mempelajari pengalaman insiden MH370 dan bencana kapal feri Korea Selatan yang tenggelam.
158. PR-1322-L62193
Dato' Haji Abdul Rahman bin Haji Mohamad [Lipis] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan pencapaian Ops Titik yang dijalankan oleh pihak Kementerian dalam usaha membanteras penyelewengan diesel dan petrol bersubsidi untuk menghapuskan sindiket yang terlibat dalam perbuatan yang dianggap sabotaj ekonomi negara tersebut.
159. PR-1322-L62601
Tuan Khoo Soo Seang [Tebrau] minta **MENTERI KOMUNIKASI DAN MULTIMEDIA** menyatakan kedudukan terkini Kampung Wifi di kawasan Parlimen Tebrau dan sebab-sebabnya masih ada kawasan-kawasan, termasuk Kampung Baru Pandan, yang dijanjikan sebelum tahun 2013 masih belum dilaksanakan.
160. PR-1322-L62587
Tuan Lim Kit Siang [Gelang Patah] minta **PERDANA MENTERI** menyatakan langkah-langkah yang telah dan akan diambil sejak peristiwa penculikan warga China dan Filipina dari Pulau Singamata pada April 2014 demi menjaga kedaulatan Sabah timur, dan menjelaskan mengapakah langkah-langkah setakat ini tidak mendatangkan hasil menjaga keselamatan tanah air kita.
161. PR-1322-L62636
Tuan Manivanan a/l Gowindasamy [Kapar] minta **MENTERI PEMBANGUNAN WANITA, KELUARGA DAN MASYARAKAT** menyatakan :-
- (a) apakah langkah-langkah terperinci yang diambil oleh Kerajaan untuk mengurangkan jenayah penderaan kanak-kanak dan setakat mana langkah-langkah tersebut berjaya melindungi kanak-kanak daripada jenayah penderaan; dan
 - (b) adakah terdapat usaha kerjasama di antara Kementerian dengan Kementerian Pendidikan supaya terdapat pendekatan secara komprehensif untuk melindungi kanak-kanak di Malaysia.

162. PR-1322-L61435
Datuk Haji Datu Nasrun bin Datu Mansur [Silam] minta **MENTERI PENDIDIKAN** menyatakan sejauh manakah komitmen Kementerian untuk melaksanakan sistem persekolahan satu sesi di seluruh Malaysia menjelang tahun 2017 memandangkan sistem persekolahan satu sesi ini memberi kesan yang baik terhadap pengurusan waktu pembelajaran pelajar sekolah.
163. PR-1322-L61822
Datuk Wira Haji Ahmad bin Hamzah [Jasin] minta **MENTERI LUAR NEGERI** menyatakan langkah pelbagai hala, termasuklah Malaysia, yang diambil dalam usaha untuk menangani isu pertindihan tuntutan di Laut China Selatan.
164. PR-1322-L61561
Dato' Dr. Nik Mazian bin Nik Mohamad [Pasir Puteh] minta **MENTERI PERTANIAN DAN INDUSTRI ASAS TANI** menyatakan kedudukan semasa tentang bekalan air ke jelapang padi KADA. Apakah kedudukan "*barrage*" yang telah dibina untuk menaikkan paras air di Sungai Kelantan.
165. PR-1322-L61387
Dato' Takiyuddin bin Hassan [Kota Bharu] minta **MENTERI PELANCONGAN DAN KEBUDAYAAN** menyatakan jumlah pelancong antarabangsa yang berkunjung ke Malaysia dalam tempoh suku pertama Tahun Melawat Malaysia 2014.
166. PR-1322-L62759
Dr. Ong Kian Ming [Serdang] minta **MENTERI KEWANGAN** menyatakan jumlah dana KWAP yang dilabur dalam Asiasons Capital Ltd. dan apakah jumlah kerugian KWAP akibat daripada pelaburan ini.
167. PR-1322-L62061
Tuan Gooi Hsiao-Leung [Alor Setar] minta **MENTERI PERTANIAN DAN INDUSTRI ASAS TANI** menyatakan kandungan penuh dan terperinci ikrar bertulis peribadi Syed Mokhtar Al-Bukhary yang diberikan kepada Menteri Pertanian berkenaan penyeneraian keluar BERNAS seperti yang didedahkan oleh Menteri tersebut kepada Parlimen pada 26 Mac 2014.
168. PR-1322-L63275
Dato' Henry Sum Agong [Lawas] minta **MENTERI PENGANGKUTAN** menyatakan sama ada Kerajaan bercadang untuk mengadakan kemudahan kereta api di Sarawak bermula dari Kuching ke Lawas dan langsung ke negeri Sabah.
169. PR-1322-L61745
Tuan Che Mohamad Zulkifly bin Jusoh [Setiu] minta **MENTERI KESIHATAN** menyatakan bilangan pesakit Tibi, Malaria, Kusta dan Filariasis di negara ini bagi tempoh 2010-2014 dan nyatakan langkah Kerajaan bagi menangani peningkatan penularan kes berjangkit pekerja asing di negara ini.

ATURAN URUSAN MESYUARAT DAN USUL-USUL

- | | | | |
|----|----------------|--|-------------------------------|
| 1. | (D.R 6/2014) | Rang Undang-undang Perbekalan Tambahan (2014) 2014 | Bacaan Kali Yang Kedua |
| | | [Menteri Kewangan] | |
| 2. | (D.R 5/2014) | Rang Undang-undang Penggalakan Pelaburan (Pindaan) 2014 | “ |
| | | [Menteri Perdagangan Antarabangsa dan Industri] | |
| 3. | (D.R 9/2014) | Rang Undang-undang Lembaga Hasil Dalam Negeri Malaysia (Pindaan) 2014 | “ |
| | | [Menteri Kewangan] | |
| 4. | (D.R 7/2014) | Rang Undang-undang Kawalan Harga dan Antipencatutan (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 5. | (D.R 8/2014) | Rang Undang-undang Suruhanjaya Koperasi Malaysia (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 6. | (D.R. 24/2013) | Rang Undang-undang Pencegahan Pengubahan Wang Haram dan Pencegahan Pembiayaan Keganasan (Pindaan) 2013 | “ |
| | | [Menteri Kewangan] | |

7. PR-1322-U61375
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, banyak tanah-tanah adat Bumiputera Sabah masih belum dibangunkan oleh kerana ketiadaan jalan raya yang membolehkan mereka untuk mengusahakan serta memasarkan hasil tanah mereka. Dan mengambil maklum juga, bahawa tanah-tanah bergeran di negeri Sabah yang masih belum diusahakan oleh kerana ketiadaan kemudahan yang disebutkan di atas. Dan mengambil maklum juga bahawa, sesuai dengan hasrat Kerajaan untuk meningkatkan lagi pendapatan masyarakat luar bandar, sekiranya tanah tersebut di atas dapat diterokai dan diusahakan, tentu sekali ekonomi masyarakat sasaran dapat ditingkatkan. Dan juga mengambil maklum bahawa, dengan terusahnya tanah-tanah yang dimaksudkan di atas, maka secara tidak langsung ekonomi negara juga turut meningkat. Maka, bagi menangani masalah tanah-tanah terbiar, maka Dewan ini hendaklah mengambil ketetapan untuk meminta Kerajaan melalui Kementerian Pembangunan Luar Bandar dan Wilayah, untuk menyediakan jalan asas bagi memudahkan pembukaan tanah-tanah terbiar tersebut bagi memudahkan pertumbuhan aktiviti ekonomi rakyat dan negara."

[Kementerian Kemajuan Luar Bandar dan Wilayah]

8. PR-1322-U61376
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ramai para petani kita mengeluarkan bahan-bahan mentah berasaskan pertanian yang berkualiti tinggi.

Dan mengambil maklum juga, bahan-bahan mentah yang dihasilkan ini boleh dinilai-tambah menjadi produk industri hiliran seperti keropok, jem, kaya, kek, madu lebah dan lain-lain lagi sekiranya pengeluar tempatan menerima latihan dan bimbingan bagi maksud ini. Dan mengambil maklum juga bahawa, Kementerian Pertanian dan Industri Asas Tani melalui agensinya telah banyak membimbing para pengeluar bahan mentah tempatan ke arah industri hiliran ini. Maka, bagi menambah-nilai produk pertanian dan peningkatan ekonomi para petani, dewan ini hendaklah mengambil ketetapan bahawa Kerajaan melalui Kementerian Pertanian dan Industri Asas Tani hendaklah memperbanyakkan lagi kursus-kursus industri hiliran ini."

[Kementerian Pertanian dan Industri Asas Tani]

9. PR-1322-U61377
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, pada masa ini, kejadian jenayah telah meningkat dengan mendadak sekali dan ada juga kes yang melibatkan maut. Dan mengambil maklum juga bahawa, tugas untuk menjaga keselamatan dan ketenteraman awam ini bukan hanya terletak pada bahu anggota keselamatan tetapi juga pada pihak berkuasa tempatan. Dan mengambil maklum juga bahawa, terdapat bukti bahawa pemasangan kamera litar (cctv) di kawasan panas oleh Pihak Berkuasa Tempatan telah sebanyak sedikit membantu mengurangkan jenayah selain dapat membantu dalam penyiasatan perlakuan jenayah. Dan mengambil maklum juga bahawa, pemasangan cctv merupakan kaedah pencegahan yang efektif selain rondaan pihak anggota keselamatan. Maka, Dewan ini hendaklah mengambil ketetapan untuk meminta Kerajaan memasang lebih banyak lagi kamera litar terutama sekali di kawasan panas demi untuk mempertingkatkan lagi keselamatan rakyat dan pengunjung."

[Kementerian Kesejahteraan Bandar Perumahan dan Kerajaan Tempatan]

10. PR-1322-U61378
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, jumlah ibu tunggal di negara ini kian meningkat dan memerlukan pembelaan. Dan mengambil maklum juga bahawa, ibu-ibu tunggal bekerja keras untuk menyara hidup keluarga termasuk mensekolahkan anak-anak dan ada kalanya juga menjaga ibu-bapa mereka. Dan mengambil maklum juga bahawa, terdapat juga ibu-ibu tunggal yang terpaksa bekerja dengan tulang empat kerat dengan gaji yang tak seberapa kerana ketiadaan pengalaman. Dan mengambil maklum juga bahawa, ada juga ibu-ibu tunggal yang tidak mendapat apa-apa bentuk bantuan daripada pihak Kerajaan atau berwajib kerana tidak terdaftar dengan badan-badan tertentu.

Maka, Dewan ini hendaklah mengambil ketetapan untuk meminta Kerajaan melalui Kementerian Pembangunan Wanita, Keluarga dan Masyarakat untuk mendaftarkan semua ibu-ibu tunggal bagi memudahkan urusan latihan, pemberian bantuan, bimbingan, kebajikan dan usaha peningkatan ekonomi keluarga."

[Kementerian Pembangunan Wanita, Keluarga dan Masyarakat]

11. PR-1322-U61379

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, rakyat pada keseluruhannya berbesar hati dan mengalu-alukan usaha Kerajaan dalam menangani masalah keselamatan dan ketenteraman negara di perairan negeri Sabah dengan menubuhkan agensi penguatkuasaan seperti ESSCOM - Eastern Sabah Security Command dan ESSZONE - Eastern Sabah Security Zone. Dan mengambil maklum juga, bahawa walaupun kedua-dua agensi ini telah pun beroperasi, namun pada tahun 2014 sahaja, terdapat 3 kes samun, bunuh serta culik yang membabitkan rakyat asing dan 1 kes cubaan menculik nelayan tempatan berlaku dalam kawasan ESSCOM dan ESSZONE ini. Dan mengambil maklum juga bahawa, setiap kali keadaan begini berlaku, maka ramai atau rakyat pada umumnya mula mempersoalkan tentang kesungguhan Kerajaan untuk melindungi perairan negara terutama sekali perairan negeri Sabah.

Dan mengambil maklum juga bahawa, pengarah ESSCOM dan ESSZONE adalah dari kalangan yang bukan berlatarbelakangkan pihak keselamatan, maka masyarakat dengan mudah menuding jari bahawa, kelemahan ini berlaku kerana ketidakwibawaan si penyandang tugas dan sepatutnya jawatan penting ini dipegang oleh mereka yang berlatarbelakangkan keselamatan. Maka, bagi menangani masalah isu keselamatan negara ini, Dewan ini hendaklah mengambil ketetapan bahawa jawatan pengarah ESSCOM dan ESSZONE hendaklah diterajui oleh mereka yang berlatarbelakangkan keselamatan dan dalam perkara ini, mereka yang datang daripada Angkatan Tentera Malaysia. "

[Perdana Menteri]

12. PR-1322-U62869

Dr. Tan Seng Giaw [Kepong] akan mencadangkan:-

"Bahawa Dewan ini memperbahaskan kehilangan ghaib pesawat MH370, impak dan konsekuensinya."

[Kementerian Pengangkutan]

13. PR-1322-U61647
Tuan Fong Kui Lun [Bukit Bintang] akan mencadangkan:-

"Bahawa Dewan yang mulia memandangkan berat betapa lemahnya tahap keselamatan udara Negara berikutan kejadian insiden kehilangan pesawat MH370 yang mana pusat kawalan udara Negara gagal mengesan dan bertindak balas dengan segera dan ini meletakkan Negara dalam bahaya jika berlaku serangan mengejut serta mendesak Kerajaan mengambil langkah segera mempertingkatkan kawalan dan pengesanan udara Negara dari pencerobohan."

[Kementerian Pengangkutan]

14. PR-1322-U61919
Tuan Chong Chieng Jen [Bandar Kuching] akan mencadangkan:-

"Manakala dalam persidangan Hari Kedua Mesyuarat Pertama bagi Penggal Keempat Dewan Undangan Negeri Sarawak Ketujuh Belas pada 6 haribulan Mei, 2014, sebuah keputusan sebulat suara telah dibuat untuk menyokong usul seperti berikut :

"Bahawa Dewan yang mulia ini menyokong usaha berterusan Kerajaan Negeri Barisan Nasional, melalui saluran yang bersesuaian, memohon supaya perjanjian tiga hala (perjanjian yang ditandatangani antara Kerajaan Persekutuan, Kerajaan Negeri dan PETRONAS menurut Seksyen 4 Akta Petroleum 1974) dikaji semula, dengan niat hendak mendapatkan pertimbangan Kerajaan Persekutuan untuk meningkatkan bayaran royalti (royalti 5% daripada nilai minyak dan gas untuk negeri Sarawak) kepada 20% atau jika dianggap bermanfaat dan munasabah, sebarang persetujuan lain yang boleh memberi manfaat kepada negeri Sarawak dengan tujuan untuk memacu program pembangunan terutamanya di kawasan pedalaman. Dan manakala royalti minyak dan gas yang diterima sebanyak 5% oleh negeri Sarawak sebagai pampasan gentian hak ke atas minyak dan gas adalah tidak mencukupi, rendah dan tidak adil memandangkan minyak dan gas adalah sumber asli Sarawak dan kami memerlukan dana minyak dan gas itu untuk mengeluarkan Sarawak daripada kemunduran dan mempertingkatkan pembangunan ekonomi dan infrastruktur di Sarawak yang ketinggalan 20 tahun berbanding Semenanjung Malaysia supaya setanding dengan Semenanjung. Justeru Dewan ini memutuskan bahawa Kerajaan Persekutuan bersetuju dengan permintaan Dewan Undangan Negeri Sarawak dan Kerajaan Negeri Sarawak untuk meningkatkan kadar royalti minyak dan gas yang patut dibayar kepada Sarawak sebagai pampasan gantian hak ke atas minyak dan gas daripada kadar semasa 5% kepada 20% daripada nilai kasar minyak dan gas yang diekstrak daripada perairan Sarawak. Dan Kerajaan Persekutuan haruslah, dalam tahun ini menyediakan kesemua dokumentasi undang-undang untuk penambahan hak royalti tersebut daripada 5% ke 20%."

[Perdana Menteri]

15. PR-1322-U63022

Tuan Hee Loy Sian [Petaling Jaya Selatan] akan mencadangkan:-

"Bahawa Dewan ini bersetuju bahawa akses harus diberikan kepada semua yang terlibat dalam pilihan raya dan kebebasan berpartisipasi sebagai sebahagian daripada proses demokrasi. Pilihan raya sendiri adalah lambang demokrasi dalam negara kita, amalan menyekat maklumat berkaitan pilihan raya daripada pengetahuan rakyat terutama pengundi sama sekali bercanggah dengan semangat demokrasi."

[Perdana Menteri]

16. PR-1322-U63024

Tuan Hee Loy Sian [Petaling Jaya Selatan] akan mencadangkan:-

"Bahawa Dewan ini menubuhkan sebuah Suruhanjaya Persempadanan Pilihan Raya yang bebas daripada SPR dan hanya bertanggungjawab untuk menjawab kepada Parlimen Malaysia."

[Perdana Menteri]

17. PR-1322-U62663

Tuan Manivanan a/l Gowindasamy [Kapar] akan mencadangkan:-

"Bahawa Dewan mempertimbangkan cadangan untuk membenarkan keluarga mangsa yang mati dalam tahanan Polis Diraja Malaysia, memperoleh Pakar Perubatan Forensik sendiri bagi menjalankan bedah siasat."

[Kementerian Dalam Negeri]

18. PR-1322-U62664

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam di dalam membendung gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

UCAPAN-UCAPAN PENANGGUHAN

| Tarikh Ucapan | Ahli Yang Berucap | Tajuk Ucapan | Menteri Yang Bertanggungjawab |
|------------------------|--|--|--------------------------------------|
| 1. 11.6.2014 (Rabu) | 1. YB. Tuan V. Sivakumar (Batu Gajah) | 1. Pembinaan Bangunan Baru Untuk SJKT Gunung Rapat | 1. YB Menteri Pendidikan |
| 2. 11.6.2014 (Rabu) | 2. YB. Tuan Er Teck Hwa (Bakri) | 2. Pembangunan dan Kemajuan Sistem Keretapi Negara | 2. YAB Perdana Menteri |